

A una dançaira de còrda.

Fòra d'arena e mai de telas  
coma qui ven de l'amagat  
amb un correr leugièr de gat  
te trufas de las tombarèlas.

Cotilhonet embelugat  
de trelusentas pimparèlas,  
fas dejà ton trabalh alat;  
ton front blanc s'enròda d'estèlas.

Sul cable tibat dins lo cèl,  
corres viva coma un aucèl.  
Als punhs lo balancièr, rebombas.

Puèi, òm diriá que, coma un cercle de papièr  
traucas la luna en son entièr  
e, pus luènh, sus la còrda tombas.

August Fourès.